

SEDAM STOTINA POSJETILACA OVACIJAMA ISPRATILO OSMANAGICA

“Zbog dr. Osmanagića Bosnu danas prepoznaju kao zemlju piramida, a ne zemlju rata”, riječi su kojima je organizator najveće ovogodišnje američke konferencije “Earth Keepers” geolog James Tyberon najavio predavanje pronalazača bosanskih piramida dr. Semira Osmanagića.

Konferencija je okupila više od sedamsto posjetilaca koji su u Little Rock (Arkanzas, SAD) doputovali iz svih krajeva svijeta – Australije, Rusije, Brazila, Njemačke, Kanade i drugih zemalja, te svih američkih država. U konferencijskoj dvorani luksuznog hotela Double Tree Hilton moglo se čuti petnaestak iznimno zanimljivih predavanja.

Pet glavnih predavača, koji su vodeći svjetski nezavisni istraživači fenomena iz drevne istorije – dr. Semir Osmanagić, Graham Hancock, David Childress, John Mayor Jenkins i Jon Van Ayken, održali su po dva dvosatna predavanja tokom četverodnevne konferencije.

Ubjedljivo najveće interesovanje učesnika ovog skupa izazvala su predavanja dr. Osmanagića, oba po završetku popraćena ovacijama i višeminutnim aplauzom. Tokom čitave konferencije učesnici su dr. Osmanagiću čestitali na inspirativnom izlaganju, radu i upornosti na istraživanju bosanskih piramida te mijenjanju svjetske istorije.

Nakon oba predavanja učesnici konferencije su u redu čekali kako bi im dr. Osmanagić potpisao neku od svoje tri knjige o drevnoj civilizaciji Maya, fenomenu piramida u svijetu i bosanskim piramidama, te o njegovom eksperimentu sa šest profesionalnih čitača Akashe.

Iskazan je veliki interes za posjetu piramidama u Bosni, kao i učešću u dva sedmodnevna događaja koje će 2013. godine organizirati Fondacija - Ljetni solsticij u junu i Istraživačka konferencija u septembru, ali i za sudjelovanje u Međunarodnoj radnoj akciji volontera “Mrav 2013”.



















